



INUIT ATAQATIGIIT INATSISARTUNI

Ulloq: 16. august 2007

Inatsisartut Suleriaasianni § 36, imm. 1 naapertorlugu Naalakkersuisunut apeqquut imaattoq matumuuna saqqummiuppara:

Naalakkersuisunut apeqquut:

Akileraarusersueriaaseq akitsuusersuinerlu pillugit nunanut allanut sanilliussilluni ataatsimiititaliap kaammattuutaasa piviusunngortinniarneqarneri eqqarsaatigalugit Naalakkersuisut ullumikkorpiaq sumut killittoqarneranik paasisutissiisinnaappat ? Inassuttaasimasunit sorliit timalersuivigineqaleruttorpat suliassanilu sorliit Naalakkeruisuniit kissaatigineqartutut isigineqarpat aammalu sorliit kissaatigineqanngitsutut isumaqarfigineqarpat?

(Inatsisartuni ilaasortaq Johan Lund Olsen, Inuit ataqatigiit)

Tunngavilersuut:

Akileraarusersueriaaseq akitsuusersuinerlu pillugit nunanut allanut sanilliussilluni ataatsimiititaliap 2003-imi naluneqanngitsutut Kalaallit Nunaanni akileraarusersueriaaseq akitsuusersuinerlu misissoreerlugu nalunaarusiani saqqummersippaa.

2008-mut Aningaasanut Inatsisissatut siunnersuutip saqqummiunneqarnerani Naalakkersuisunit tikkuarneqarpoq akileraarutit imaluuniit akitsuutit qaffanneqarnerisigut imaluunniit toqqaanartumik sipaaruteqarnikkut aningaasat amigaatigineqartut 100 mio. kr.-inik nalillit nassarineqarsinnaassasut. Tamanna eqqarsaatigalugu akileraarusersueriaaseq akitsuusersuinerlu pillugit nunanut allanut sanilliussilluni ataatsimiititaliap kaammattuutaasa piviusunngortinniarneqarneri ullumikkorpiaq sumut killissimanersut erseqqinnerusumik paasisaqarfigissallugu soqutiginassagaluarpog.

Inatsisartuni ilaasortat ilaasa apeqquteqarneratigut kingullermik killiffik eqqarsaatigalugu Naalakkersuisut 22. august 2006 akissuteqarput. Matumani apeqquteqarnermi august 2007 qiteqqunnerani sumorpiaq killittoqarneranik paasisutissiisoqassasoq kissaatigaara.

Johan Lund Olsen

Akileraartarnermut Akitsuusiisarnermullu Ataatsimiititaliami ilaasortaq